



Najaaraq Møller
Inatsisartunut ilaasortaq, Siumut

Oqaatsinut politikki pillugu § 37 naapertorlugu apeqqummut 139-2024-mut akissut

Asasara Najaaraq Møller,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqquq 1: *Naalakkersuisut nutaamik oqaatsit pillugit politikkilliornissamik pilersaaruteqarpat? a. Taamaappat, allannguutit suut siunniunneqarpat?*

Akissut:

Naalakkersuisut maluginiarpaat, oqaatsinut politikki pillugu Inatsisartut inatsisaat 2010-meersoq aamma taamanili allanngortinneqarsimangitsoq. Inatsisip nalinginnaasumik nutarternissaanik suliaqarnissartik Naalakkersuisut naatsorsuutigaat. Tassunga atatillugu Naalakkersuisut 2022-mi oqaatsit pillugit isumasioqatigiissitsinerannit aamma 2023-mi oqaatsit pillugit ataatsimeersuarsitsinerannit innersuussutit misissorneqarput. Oqaatsinut politikki pillugu Inatsisartut inatsisissaannut allannguutissatut siunnersuut siusinnerpaamik UKA2025-mi Inatsisartuni suliassatut saqqummiunneqarsinnaassaaq.

b. Taamaangippat, suna pissutaava?

Akissut:

Apeqquq 1-imut akissut takuuk.

Apeqquq 2: *Nutaamik oqaatsit pillugit politikkilliortoqassappat qanoq akeqassava aamma sakkut/periutsit suut atorneqassappat?*

Akissut:


Apeqqutit Naalakkersuisut imatut paasivaat, oqaatsinut politikki pillugu Inatsisartut inatsisissaannut allannguutissatut siunnersuutip suliarinera qanoq akeqassanersoq apeqquteqartutit. Tassunga nalunaarutigineqarsinnaavoq, oqaatsinut politikki pillugu Inatsisartut inatsisissaannut allannguutissatut siunnersuutip suliarineranut allaffissornikkut sulisunik isumalluutit atorneqassammata. Suliami tassani suliffeqarfimmi suliap ingerlaneranut piffissamut iliussissamullu suliamut tassunga atatillugu pisariaqartinneqartut ilaatigut suliarineqassapput. Oqaatsinut politikki pillugu Inatsisartut inatsisissaannut allannguutissatut siunnersuutip suliarinera inatsisilerituup ataatsip ukiumi ataatsimi sulineratut naleqassasoq, inatsisissamut inaarutaasumik allannguutissatut siunnersuut Inatsisartuni suliarineqarnissaanut nassiuunneqarsinnaalersinnagu, allaffissornikkut ataqatigiissumik aaqqiussuussinermit suliamik ingerlatsisut attuumassutilit allat peqatigisallu ilanngussinissaat pisariaqassasoq, Naalakkersuisut nalilerpaat.

26-06-2024
Suliap normua: 2024 - 1595
All. nr. 24285471

Postboks 1029
3900 Nuuk
Oqarasuaat:
+299 34 50 00
Email: ikin@nanoq.gl
www.nanoq.gl

Tassunga nalunaarutigineqarsinnaavoq, namminersorlutik ingerlatsisut minnerpaamik 10-nik sulisullit, pisortat suliffeqarfii oqartussallu oqaatsinut politikkertik nammineq nutartersinnaammassuk.

Inussiarnersumik inuulluagqusillunga



Aqqaluq B. Egede